

Sakspapir

Saksnr	Utvalg	Type	Dato
061/22	Kommunestyret	PS	15.09.2022

Sakshandsamar	Arkiv	ArkivsakID
Ketil Tjore	FE-033	22/721

Orienteringssak

Framlegg til vedtak:

Kommunestyret - 061/22 - 15.09.2022

KS - behandling:

I starten av møtet orienterte NGIR, ved dagleg leiar Bjørn Berg og økonomidirektør Ove-Christian Fredriksen. Først ei kort orientering om situasjonen kring fakturering til privatkundar, der ein del har fått tilsendt NGIR-krava noko seint.

Det var ingen spørsmål frå kommunestyret til denne delen av orienteringa.

Deretter orienterte NGIR om framlegg til ny modell for ny selskapsstruktur. Presentasjonen ligg ved møteboka.

Det var ingen spørsmål frå kommunestyret til denne delen av orienteringa.

Dagleg leiar i Austrheim kommunale eigedomsselskap, Bjarne Ve Sæbø, orienterte om utviklinga i selskapet.

Det er valt styre for selskapet:

Solveig Lerøy, styreleiar
Bjarte Næss, nestleiar
Ragnhild Langøy, medlem
Ole Moen, medlem
Kurt Hauge, medlem

Kommunen har knytt til seg selskap på rammeavtale innan elektro og røyrleggar, ser på avtale for tømrararbeid. Desse kan brukast dersom det skal gjerast oppussingsarbeid på bustadene. Vil starta med ei vurdering av kva bygg som evt. må pussast opp, og om ein evt. skal bygga noko nytt. Har tomter i Kystlandsbyen som kan brukast til dette.

Einingsleiar teknisk drift, Rolf Henning Myrmel, orienterte om prosjektarbeid.

- Skuleprosjekta er på gang med detaljprosjektering, Kaland og Årås, ser for seg oppstart ganske raskt.
- Pumpestasjonar kloakk er under arbeid, først i Åråsvågen medan ein lengre ute i Breivika ventar på ei avklaring frå grunneigarar.
- Veglys frå kyrkja til kryss Lerøy, der jobbar kommunen med avtalar med grunneigarar.
- Gangveg mellom Nordliheimen og Seniorsenteret: Fylket vil ha detaljprosjektering, men kommunen meiner det er nok å følgja vegnormen. Ventar på svar frå fylket i denne saka, ønskjer ikkje bruka 120.000 på prosjektering av jobben.

Kommunalsjef Trine M. Jansen orienterte om mottak av flyktningar frå Ukraina, der det kjem seks flyktningar no dei kommande vekene, i tillegg til at det kom to flyktningar tidlegare. For dei seks som kjem, har ein knytt til seg familiar som kan vera fadderfamiliar. Har leigd to private bustader, og brukar ein kommunal.

Bjørnar Fjellhaug orienterte om ulike saker:

- Vestlia, her skal det nye eigedomsselskapet ta seg av utbetring av kloakkanlegg, må også ta seg av problem med maur i bygget.
- I gang med budsjettarbeidet for den neste økonomiperioden, det ser ut til å verta krevjande. Kommunedirektøren sitt framlegg til økonomi- og handlingsperioden 2023-2026 skal leggst fram i oktober.
- Kommunen skåra bra på det siste kommunebarometeret, gjekk bra opp på ulike parameter.
- Kjem i neste møte ein oversikt over ulike avvik og kva tiltak som er gjort i samband med desse. Det nye avvikssystemet fungerer bra, får innmeldt avvik og jobbar med desse. Enkelte tiltak må ein sjå i samanheng med budsjettarbeidet.
- Kim Andre Vangberg er konstituert som kommunalsjef for helse og omsorg.

Helge Dyrkolbotn (KrF) hadde spørsmål om rekneskapen for underavdeling kommunedirektøren. Såg at det var eit større avvik der som ikkje var med i sakspapira som var lagt fram til formannskapsmøtet, og har etterlyst svar på kva dette inneber, sant ei orientering om dette er i tråd med anbudsreglement, innkjøpsreglement og politisk reglement.

Her svara økonomi- og personalsjef Odd Harald Dommersnes, svaret ligg ved møteboka.

Aslak Bakke (H) hadde oppfølgingsspørsmål til denne opplistinga. Bakke ba om ei synleggjering av kva som ligg i dei ulike postane, som mellom anna konsulenttenester. Her svara Dommersnes at det er slik i rekneskapen at det må førast ting på "konsulenttenester" som eigentleg ikkje er det ein reknar for konsulentar. Til dømes vil innkjøp av bilde frå fotograf enda i rekneskapen som konsulenttenester.

Anne Dahle Austrheim (KrF) hadde oppfølgingsspørsmål til opplistinga. Austrheim sa at noko kan skuldast at politikarane har gjort vedtak utan å setja av midlar. Austrheim sa at ein innimellom må bruka lengre tid på gjera ting ferdig, enn å bruka konsulent, når økonomien er slik den er.

Her svara kommunedirektør Bjørnar Fjellhaug at det er han som er kommunedirektør er ansvarleg for dette, og sa vidare at ein skal vera kritisk til konsulentbruk. Har ikkje vore tydelege og gode nok til å seia kvar ein skal ta midlane frå, når det vert gjort vedtak som har ein kostnad.

Ordførar Per Lerøy (Ap) viste til at det har vore kostnader mellom anna med overføringa av eigedommar til Austrheim kommunale eigedomsselskap, kostnader som ikkje var budsjetterte.

Helge Dyrkolbotn (KrF) takka for orienteringa som vart gitt, og sa at han ser fram til å få svar på dei to siste punkta som ikkje var med i denne gjennomgangen.

Kommunedirektør Fjellhaug sa at ein no jobbar med å følgja opp at alle innkjøp er i tråd med innkjøpsavtalar.

Reidar Øksnes (Sp) sa at han hadde håpa på ei orientering om utgreiing av ein ny styringsmodell, slik at dette er klart i god tid før kommunevalet i 2023. Øksnes sa vidare at dette med byrået April og deira kampanje Heim til Austrheim var ukjent for han, og ba om informasjon om dette.

Her svara kommunedirektør Fjellhaug at sak om ny styringsmodell kjem til neste møte i kommunestyret. Vidare sa Fjellhaug at det er orientert munnleg om arbeid med byrået April, men at dette nok ikkje har vore oppe som eiga sak.

Reidar Ulvøy (Ap) etterlyste at ein har kontroll på kostnader i samband med prosjektet for skulane. Her svara einingsleiar teknisk drift, Rolf Henning Myrmel, at Stian Marøy er inne på prosjektleiing, og at ein i tillegg ventar på tilsetting av ny einingsleiar teknisk drift, slik at Myrmel sjølv kan gå over i den planlagde stillinga hans med prosjektleiing.

Ordførar Per Lerøy (Ap) la til at det er bestilt frå formannskapet faste orienteringar om framdrift og kostnader på skuleprosjekta.

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

Orienteringane vart teke til vitande.

Saksopplysninger: